

主 編 楊世鈺 趙寅松

本篇主編 和生弟 王水喬

大理叢書·史籍篇

卷十三

大理白族自治州白族文化研究所 編

雲南民族出版社



主編 楊世鈺 趙寅松
本篇主編 和生弟 王水喬

大理叢書 · 史籍篇

卷十三

大理白族自治州白族文化研究所 編

雲南民族出版社

图书在版编目 (CIP) 数据

大理丛书·史籍篇/和生弟, 王水乔主编.
—昆明: 云南民族出版社, 2011. 12
ISBN 978-7-5367-5221-4

I. ①大… II. ①和… ②王… III. ①大理白
族自治州—概况②大理白族自治州—地方史—史籍
IV. ①K927.42②K297.42

中国版本图书馆 CIP 数据核字 (2011) 第 263045 号

DALI CONGSHU · SHIJI PIAN

大理丛书·史籍篇

和生弟 王水乔/主编

策划编辑 高力青 岳 坚 杨红英 杨浩林

责任编辑 奚寿鼎 段 波

封面设计 何志明

出版发行 云南民族出版社

(昆明市环城西路 170 号云南民族大厦 邮编: 650032)

邮 箱 ynbook@vip.163.com

印 刷 云南省地矿测绘院印刷厂

开 本 889mm × 1194mm 1/16

总 印 张 526.5

总 字 数 8600 千

版 次 2012 年 10 月第 1 版

印 次 2012 年 10 月第 1 次

ISBN 978-7-5367-5221-4/K · 1386 定价: 11180.00 元 (共 13 卷)

Directory

Volume Thirteen

The Documents of History

The Ancient Historical Document

The Continuation of Local Chronicles of Yunnan's anecdotes, Edited by Qin Guangyu

in Cheng Gong County, Qing Dynasty (Volume 18 to Volume 32) (3)

目 錄

二、史部文獻

(一) 古代歷史文獻

續雲南備徵志(二)「原書卷十八至卷三十二」

〔清〕呈貢秦光玉編纂……………三

續雲南備徵志

〔清〕呈貢秦光玉編纂

續雲南備徵志卷十八

呈貢秦光玉璞安編輯

庸盒筆記 清薛福成撰

勞文毅公善居危城

善化勞文毅公崇光爲封疆大吏二十年值咸豐同治用兵之時其所居亦率多貧窘艱危之境雖無卓然傑出之經綸然每能履變不驚化險爲夷以功名終則其從容應事之度有可稱者焉先是文毅以廣西布政使統領一軍出省勦賊招降賊首張嘉祥改名國樑卽後在江南殺賊爲名將殉大節諡忠武者也文毅旣擢巡撫洪秀全楊秀

續雲南備徵志

卷十八

庸盒筆記

一

清等大股悍賊雖已出粵境而餘寇蜂起羣盜如毛廣西餉絀兵弱堵持數年賊勢益熾與湖南廣東諸省首尾阻絕餉道不通省城數十里以外皆賊也文毅與人書云希膺疆寄困守孤城不特毫無官趣抑且毫無生趣適蔣果敏公益禮以候選知府爲羅忠節公澤南營官中道散去文毅招之赴粵蔣公請立功後必保至實缺據察使所需糧械毋稍缺乏然後願行文毅許之蔣公乃募楚勇三千人入粵擊平羣寇克復諸府縣城楚粵之路始通無何而文毅調撫廣東權兩廣總督自咸豐七年葉崑臣使相名琛爲英吉利所執英人踞守廣東省城者數年迨庚申和

續雲南備徵志

卷十八

庸盒筆記

二

約既定次年英人交還省城督撫司道仍駐佛山鎮不敢入城英人常目笑之謂兩國旣和斷不復存惡意中國大員何怯也然是時上下議論皆謂一入省城必受洋人挾制將復如葉相之事文毅內決於心獨備儀從呵殿入省城城外萬人夾道觀之將軍都統司道府縣遂皆從之洋人旣覺其無所懼諸事稍稍就範議者亦始知與葉相彼此異時以是稱文毅之毅焉旋實授總督量移雲貴雲南自巡撫徐之銘倚叛回以自重總督潘忠毅公鐸至爲所戕厥後之銘雖死而同黨內外盤踞耳目甚廣巡撫劉公嶽昭藩司岑公毓英皆統師在外文毅始駐貴州旣而道路稍通遂入雲南或勸文毅毋遽入省城文毅曰省城未失而大吏皆悍不敢入則彼寇將終據之且彼所以欲害我者恐或有圖之之意也今我未挾重兵則彼固無虞矣遂入城蒞總督任終日閉鈴閣以示無事日寫白摺三四開告人曰吾以此陶情適性且泯彼猜疑也於是在位數年而薨夫文毅始廣西最久其所籌亦殆無遺憾若在廣東則是時已與英人講解入城本無後慮文毅之智殆能見及之其在雲南蓋有不服藥爲中醫之見存焉總之兩粵及雲南三城者以常見度之皆危地也然惟樓之以無心則履至險而往往能化其險觀文毅之所處殆猶佛家

能狎蛇虎而蛇虎亦竟不爲之害歟

鄧子久中丞被害

江寧鄧子久中丞爾恆以翰林爲雲南道員游擢藩司咸豐十年十月升授貴州巡撫未及赴任明年春調陝西巡撫是時徐之銘撫雲南綱紀廢弛回寇與營將勾通爲患之銘非但不能禁遏又從而黨庇之致遂爲所挾制副將何有保者始亦爲之銘私人既而黨羽日眾勢益縱橫作惡多端之銘亦無如之何凡滇中大小官員以升調病休出境者有保輒遣其黨追之境上盡劫其宦囊以去無敢與校皆以得出虎穴爲倖有保等恃此爲生涯者數年矣

續雲南備徵志

卷十八

庸盒筆記

三

中丞之將赴黔也行李馬馱中途被劫中丞聲稱俟到京參奏適調陝撫行至曲靖借居府署何有保聞有參辦之言密嗾其黨史榮戴玉堂夜率練眾擁入署中戕害中丞所攜衣物旅費搜括無遺於是遐邇分傳之銘以中丞入任雲南司道知其陰事恐中丞一入都而其劣蹟盡聞於朝也故密諷何有保害之之銘亦奏中丞被戕之事大致稱鄧爾恆由滇赴陝經臣派撥兵練護送行抵曲靖在府署偏院居住署知府唐簡等素知府署不甚嚴密欲派兵練巡查鄧爾恆自稱行李無多不須防衛僅留兩僕在內伺候是夜竊賊李寶踰垣而入鄧爾恆開院內有賊親自

四

堵門喊捕李寶素恨鄧爾恆聞其在內遂與其夥黨一擁而入遽將鄧爾恆殺害該府聞警傳集兵役拿獲各犯即經就地正法等語並將曲靖文武原稟鈔呈文宗諭旨云鄧爾恆在曲靖府署居住知府唐簡等既欲派兵練巡查何以輒復中止竊盜拒捕傷人固屬常有之事惟鄧爾恆係屬大員何以輕身堵門即謂該犯李寶係因懷恨故將該撫殺害然昏夜之中何以知堵門喊捉之人即係該撫且知李寶之殺該撫實爲挾仇起見在場各犯既已就獲該府等自應迅速解省聽候審辦何以遽將各犯正法以致無可質對鄧爾恆既留兩僕在內則被害情形均應目

續雲南備徵志

卷十八

庸盒筆記

四

擊何以並未取有供詞曲靖文武原稟種種情節支離徐之銘並未駁斥輒行入奏以大員被戕之案並不澈底嚴究草率了事實堪詫異新任總督劉源灝已諭令趕緊前往雲南着將鄧爾恆被害情形密速訪查據實具奏務期水落石出不准稍存徇情消弭之見欽此源灝竟不赴滇遷延半年中途乞病而歸臺諫交章論列前任總督張亮基亦疏劾之銘奉穆宗諭旨云鄧爾恆被戕之案日久未予查辦亦無以彰國憲著張亮基迅速馳赴雲南督辦軍務將徐之銘先行撤任並將鄧爾恆被戕之案澈底根究按律懲辦何有保父子如此跋扈必須設法翦除又宜

防其設計暗害欽此於是復起江甯潘忠毅公鐸於家馳往查辦先是戴玉堂等既害中丞掠其行裝何有保以其隱匿贓物執縛玉堂拷打甚酷玉堂氣忿潛逃嗣聞潘公查辦之信同治元年閏八月糾黨夜攻何有保殺之史榮戴玉堂旋皆被潘公拿獲嚴訊各情供認不諱即予正法潘公據實覆奏並稱訛嫌各犯供稱徐之銘並無知情徇縱情事但以疏於防範請交部議處何有保仍戮尸梟示以儆兇殘遂由此結案然謂之銘並不知情世多疑之潘公或自以萬里孤蹤威惠尚未周浹而之銘在滇日久私黨蟠結驟難參撤既須與之共事不得不爲之漸殺以安

續雲南備徵志

卷十八

庸盒筆記

五

其心孰然余謂何有保等本無甚伎倆並非難除之賊一聞潘公查辦其黨即自相攻擊而之銘安坐兩年置之不理律以春秋誅心之法雖之銘實不知情謂之知情可也

潘忠毅公遇害

潘忠毅公鐸始自河南巡撫降調湖南布政使咸豐二年粵寇之攻長沙也公嘗以藩司護理巡撫守城有功後乃引疾以去優游林下者十餘年同治元年雲南叛回疆起全省分裂而省城同眾亦與叛回相通魚肉良民督制官府大小衙門皆有黨蟠踞巡撫徐之銘貪淫昏懦既已自失其權爲同人所箝制因又挾回自重怙惡不悛是時之

銘雖已罷斥而朝廷所新授之巡撫賈洪詔林鴻年等皆不能入滇境僑寓成都每遙探雲南軍務具摺奏報而已之銘爲諸回所擁護託言新任未到不能交篆踞位奉事如故如是者三四年之銘既嫉其黨殺升任陝西巡撫鄧爾恆於境上總督張亮基頗有戒心引疾求退疾馳而去深以得出滇境爲幸朝廷方起用舊臣遂命潘公署雲南總督時同治二年也潘公不避艱險毅然入滇道經曲靖回弁馬聯陞來謁面稱有人給信令其設謀殺害總督聯陞固回黨之點悍者或故爲恫喝之言或徐之銘與省城回眾慮公之至早欲害之均未可知而公置之不問行至

續雲南備徵志

卷十八

庸盒筆記

六

板橋署布政使岑毓英總兵馬如龍排隊迎入省城既視事亟欲力振威權安輯回漢而同僚異心寇盜逼處殊難措手回人掌教馬復初者名德新以字行昆明縣諸生在同教中行輩最先推爲大酋滇省羣回隱聽號令自徐之銘以下無不仰其鼻息受其挾制之銘嘗與德新遣回人武進士田慶餘招撫杜文秀許割大理永昌麗江三府封之德新復親至姚州議和文秀在姚州徧貼偽示謂馬復初已允分給迤西之地矣馬如龍者亦同眾中之渠魁悍悍好鬪之銘奏署臨元鎮總兵潘公察知回黨內外盤結之銘又從旁掣肘滇事遂無可爲然德新如龍雖首鼠兩

端尚未顯露逆迹頗欲羈縻勿絕而署督標中軍副將楊振鵬亦陰與同通馬德新使人示意欲封平南王公嚴拒之德新不懌馬如龍恃其徒眾欲兼併巡東諸郡惟臨安土豪梁士美不服以忠義激勵官紳糾眾據險以抗如龍如龍屢請勦士美公不許如龍懷怨徑率所部往攻臨安公念如龍若踞臨安則同勢益強且梁士美忠義宜保全之密檄士美固守待援又檄他郡練眾之素與如龍為仇者數千人陽為會攻臨安實令與士美合圖如龍蓋如龍去則同稍弱而後滇事可籌也公念徐之銘雖不足恃究係同辦一事嘗向之銘微露其意之銘歸告其妾之銘之

續雲南備徵志

卷十八

庸盒筆記

七

妾多與同會狎暱會以告德新德新恐懼交并密召武定營參將同會馬榮率練黨二千餘人即冒公所調練眾旗幟入居省城五華書院日出騷掠居民訟之督撫兩署同治三年正月十五日公親往書院彈壓諭令出城請期五日不許請期三日亦不許限以即日出城是時同眾矛戟森列馬榮攘臂大言曰即不出當奈我何喊其眾使前公大罵身受七傷死之雲南府知府黃培林昆明縣知縣翟怡曾上前救護同及於難中軍楊振鵬在側默然無言是日也公約徐之銘同往之銘陽諾之而不至蓋早知其有變云賊亦不攻其署岑毓英以兵練數百扼守藩署自臬

司以下官吏未死者皆避入藩司官廨徐之銘迎馬德新入居總督署號令一切陽稱請其彈壓同眾德新以總督關防送交徐之銘公尸暴露三日其家丁哀懇楊振鵬轉求德新發同字令旂始得殯斂面如生德新之召馬榮初意欲使官與同相持不下已乃出而調停之以市德於總督並解馬如龍之危不料其搆成大釁且所忌惟潘公今公已死又欲討馬榮以示己無背叛意乃密召馬如龍率師赴省岑毓英亦致書如龍獎其忠誠召之入援如龍攻臨安數日不克得書欲退恐梁士美追襲乃以情告士美士美登城謂之曰汝若奔援省城盡心王事當不汝追也

續雲南備徵志

卷十八

庸盒筆記

八

如龍折矢與之盟以二月一日夜同至省城自南門入與岑毓英夾攻賊黨賊死傷過半楊振鵬登城勸止官軍勿開槍礮天明送馬榮出城逃回武定初五日眾議徐之銘仍署總督馬如龍署提督疏通道路厥後馬聯陞以叛聞是年十二月林鴻年奏稱馬聯陞伏誅馬榮為官軍所擒解至省城正法楊振鵬受之銘檄往權鶴麗鎮總兵與同匪通謀作亂為如龍所擒斬

滇亂紀畧

清張嵩撰

自序

不有倡亂者而亂無由始不有戡亂者而亂無由平人

事也不得諉之於天方其始也在倡亂者亦非必甘爲罪之魁而莫之致而致及其平也在戡亂者亦未敢期爲功之首而莫之爲而爲天意也不得歸之於人蓋天人之際其感極微其應如響非身經閱歷者不能會其通而晰其理余於滇省之亂信之焉滇去京師七千餘里漢回雜處受聖朝教養之恩相安者二百餘年自道光二十四五年人心思亂漢回疾如仇讎械鬪成風勢莫能遏蹂躪遍三迤黎民靡有孑遺咸豐丙辰夏會垣亂始作迨至己巳秋省圍乃解已十四年矣又越三載癸酉西逆杜汶秀授首戡定永昌騰越首尾廿餘寒暑

續雲南備徵志

卷十八

滇亂紀畧

九

後死亡不知凡幾濤生當其時詩所謂不自我先不自我惜幼齡不知記載於闔省離亂賴末亦未全悉迄今又廿餘年卽目所親耳所聞者記憶亦多恍惚茲之紀畧特省城之大概耳擴而充之以俟歸田時擬再徵文訪獻更俟後之君子補其闕畧夫人生長承平飽食煖衣不知稼穡之艱難若一暢以祖若父之險阻艱危虎口餘生未有不惶然思悚然懼者然則余之紀其亂畧非俟采風也爲欲我之子孫知祖若父出死入生以有今日而不敢不懼而思者亦安不忘危之意云爾時在光緒十七年歲次辛卯昆明張濤海槎氏序

咸豐六年丙辰夏滇省亂作

先是道光二十五年永昌漢回因小忿互鬪慘殺迤西各郡縣響應回民杜汶秀丁燦庭京控道光二十八年滇督林文忠帥師西征兼施勦撫民情震懾械鬪少息漢回仇卒不釋是年省垣謠言四起僉稱回民糾眾謀逆其實無據當路者左右袒邑紳少司馬黃琮請終養回籍奉旨團練眾數萬琮書生承平久民不知兵眾無益也有臨安府匪眾與回匪爭石陽碓互有殺傷回糾其教與角遂乘勢搶掠距省二十里小板橋之當商臨匪追回至會城外麇聚三義廟居民齊團人家有軍器

續雲南備徵志

卷十八

滇亂紀畧

十

臬司青某出格殺無論示民該格殺爲各殺於四月十六日省垣內外搜殺回民强悍者逃之文懦婦女老穉殺無算督撫不能彈壓閉城三日事定亦不查究省亂自此始滇督恒公名春滇藩署巡撫榮公名春榮會垣小城內居民十之三附郭十之七濤家世居城外是年聞亂僑寓城內城外民移寄入廡下者婦女多口角次年遂不入城因此殉難者眾濤家於是年亂平先祖母彭太夫人曰亂未已也宜移居城中城存俱存吾父遵從之所以免於難也咸豐七年丁巳夏馬如龍圍省總督恒春自盡

先是會垣殺回民三巡警應永昌回民杜汝秀以報復爲名陷迤西州縣數十城稱爲大元帥踞大理府爲巢穴臨安同武生馬如龍陷迤南州縣數十城亦稱爲大元帥以新興州等處爲巢穴省城人心惶懼督撫會同團練大臣出示不准遷徙並稱決不開城馬如龍至海口團練大臣安居城內督撫亦不發兵團首文生李端戰歿閏五月二十一日賊直趨如入無人之境團練無人督率各鳥獸散督撫及團練大臣皆一籌莫展速閉城門民不得入死者數百萬眾賊焚屋舍數百萬間如龍踞於距城五里之江西會館是日總督恒春登南門

續雲南備徵志

卷十八

滇亂紀畧

十一

城置頂戴若干品有殺賊者給之兵殺難民首級冒賞春弗能察無一人與賊戰者春歎息而已歸署視其夫人某氏詈責夫人先自盡春亦自縊省垣急糧運無路斗米市銀廿金一錢買蠶豆二枚餓死無算華山樹皮翠海浮萍食俱盡有饑斃於路者腰間尙繫有黃金死者無葬地堆積古廟拋置於五華山者不計其數白日聞鬼哭聲挨戶抽丁守城民饑甚終無降賊者賊圍城多時蹂躪殆遍

秋八月元蒙營都司褚克昌等援省攻開糧路民慶更生褚克昌字俊生雲南雲南縣武舉任元蒙營都司先奉

調出征是時會同趙德昌何有保等外道援省破西路賊壘數十遂入省糧運通開北門易市民慶更生克昌文武全才上馬殺賊下馬作露布且能愛民秋毫無犯治軍嚴民倚爲父母克昌坐鎮北城防範周密出者印聘驗而后入民間大小詞訟皆就克昌伸理克昌有聽斷才民尤悅服當道主撫獨克昌主勦議不合賊入踞省之東南隅然憚克昌威名不敢犯北城克昌獨肩重任仍聽督撫指揮人以爲有古純臣風
咸豐八年戊午春正月川勇譁餉乘機搶掠都司褚克昌討平之

續雲南備徵志

卷十八

滇亂紀畧

十二

先是六年丙辰提督文祥調川勇助勦克紅岩圖賓居如龍圍省遂撤兵赴援至是川勇譁餉踞城內作亂署督桑春榮束手無策川勇肆行搶劫克昌適充翼長不動聲色立誅爲首數人餘震懾求撫克昌計驅出城陸續遣散是役也內憂外患岌岌可危非克昌素著威名幾至不堪設想督撫嘉其功保署提督

克昌幕賓胡玉聰亦余師范拙齋先生之弟子胡道克昌事甚詳拙齋贊之曰能文能武聖賢心胡以此語告克昌克昌遜謝曰此非武帝不足以當此我謹以一語對之曰爲國爲民忠愛志當時傳爲美談嚮擬異日書

此聯敬懸於克昌專祠

夏四月省圍解

馬如龍退踞澂江府之新興州暨館驛等處東西南南郡縣多陷於賊是年張亮基督滇黔徐之銘由雲南臬司升巡撫

咸豐九年春二月署提督褚克昌督辦巡西軍務迭克名城軍威大振張亮基給令深入緩兵不援秋八月馬如龍襲楚雄克昌戰歿全軍皆覆

褚克昌督辦巡西軍務克復富民易門安寧昆陽祿豐楚雄廣南等郡縣直抵雲南驛勢如破竹軍威大振至

續雲南備徵志

卷十八

滇亂紀畧

十三

楚雄時卽函致督撫稱軍勢頗利但孤軍深入勢難首尾兼顧倘我軍前進東南賊躡其后危可想矣張亮基給之曰公前進楚雄已派有援當弗慮克昌信之遂直抵雲南驛杜汶秀大懼謀遁亮基援不至八月馬如龍由館驛繞道襲楚雄陷克昌戰歿全軍皆覆事聞贈太子少保諡武烈克昌形貌瘦小布衣馬褂出入軍中必戴頂帽譏之者以爲似教官而智謀沈毅勇力過人撫卹士卒戰必身先倘非爲張亮基所陷滇變早平滇人至今恨張亮基入骨

咸豐十年庚申冬十月馬如龍二次襲省未成十日圍解

馬如龍帥眾襲省先密諭賊眾改裝易服藏軍器於篋篋之中約至城內之三牌坊舉火前敵賊誤南城外之忠愛坊爲三牌坊突樹旗幟城內外毫無備一民人閉

城門賊不得入當事者尙不知也自褚武烈卒以何有保之義子林自清署提督自清驍勇善戰然縱恣不法亮基與如龍議和徐之銘林自清均不可遂賊民聞督署和議止如龍襲省不利踞十日仍退歸館驛省圍解咸豐十一年辛酉十一月馬如龍三次圍省與徐之銘議和同治元年壬戌春二月如龍率眾入省城授官有差如龍三次圍省署宜良縣兼署路南州兼攝澂江府留

續雲南備徵志

卷十八

滇亂紀畧

十四

滇補用同知直隸州岑毓英援省是時張亮基已告病去滇新督張凱嵩逗遛不進革職徐之銘兼署總督與如龍議和遣毓英往說之毓英親詣如龍營從者不十人信宿飲食談笑自如如龍頗敬重之和議定如龍交出所踞新興昆陽晉寧呈貢嵩明羅次易門富民各城壬戌二月如龍率黨入城要求百端之銘無不應機如龍署臨元鎮奏賜回掌教馬復初二品伯克其黨楊振鵬署中協餘均授官有差如龍兼用大元帥銜僞印大如斗與鎮印並列回黨踞民房估娶民女一時民間競相嫁娶不復成婚嫁之禮街市不敢售豬肉一時無

賴爭投回教俗呼爲假回子之銘趨承如龍無所不至紀綱掃地矣

同治元年春三月林自清私行出川委候補同知直隸州岑毓英護理雲南布政使司布政使僞大元帥馬如龍署提督

林自清恣睢不法人皆側目和議成民尤唾罵遂決計出川將提督印交馬如龍署理岑毓英者廣西附生以候選縣丞投効滇省隨何有保攻克趙州屬紅巖事在咸豐六年自將克宜良縣城斬賊首馬鴻先奉檄權宜良縣事保留滇以知縣用事在咸豐九年會林自清勦路南州

續雲南備徵志

卷十八

滇亂紀畧

十五

兼權州事保同知直隸州又兼署澂江府事在咸豐十年帶兵破澂江賊壘材智邁眾堅苦耐勞至是自清將行調毓英至省毓英語自清曰我官卑不足以資坐鎮省城事權已盡歸如龍非給充翼長不足與之抗衡自清曰可令巡撫檄汝署藩司何只欲充翼長毓英以爲非分徐之銘人受自清指揮言無弗聽遂以毓英護藩司兼充翼長是言親聞於岑公者

九月署雲貴總督潘鐸到任

鐸字水君江南進士曾任湖北巡撫治軍有聲因公降調補湖北臬司張凱嵩既因逗遛罷斥朝廷加鐸二品

銜署雲貴總督鐸輕騎到成都川督駱秉璋遏餉不給鐸携餉僅萬金慷慨直入至是到任下車卽整頓軍旅回眾之驟得武職者莫不畏憚惜餉項奇絀未得展其所長

同治二年癸亥春正月賊殺雲貴總督潘鐸馬榮襲陷省城徐之銘易僧服逃匿於布政司署

潘鐸到滇后見馬如龍仍稱僞大元帥其黨尤驕橫不法且與杜汶秀聲息相通官賊並處軍務無下手處深思遠謀欲作先清內患之計因詢諸馬如龍曰勦賊應自何路始如龍與守臨安府城之梁士美有隙請先除

續雲南備徵志

卷十八

滇亂紀畧

十六

之鐸知士美守臨安保境非叛也欲除如龍遂詐許之如龍率眾往攻鐸密飭士美固守弗與戰又密檄調昭通鎮楊盛宗速赴臨安與士美夾擊如龍擬俟盛宗至省先誅城內回黨掃清根本重地如龍既率眾赴臨省城首匪無多僅有回掌教馬復初署中協楊振鵬等數十人並各回匪眷屬本易圖也奈盛宗路遠一時未集之銘知其謀以爲己與回和誓不相害今反而行之無以對回眾遂密洩於馬復初復初懼星夜調署尋霽營參將馬榮率黨五千假稱赴臨安救援正月初八日入城馬榮住五華書院其黨分踞城隍廟翊靈寺盡忠寺

等處民情駭懼紛紛遷徙鐸於十五日親至南門月城彈壓午後往拜馬榮意欲以權變脅令出城馬榮不敢請謁鐸傳諭催令速行返至四牌坊馬復初聞之遣賊目飛馳至書院與馬榮密謀飭快卒持手版追請鐸回面稟事件鐸誤信之同輿至馬榮迎入歷時數刻已聞傳總督被戕武巡捕沈國標見鐸甫受傷急貢而逃與鐸同被害監院教職華岳昆明人罵賊被害次日棄鐸屍於書院照牆下武巡捕鄭秉璋哭屍賊殺之同日雲南府黃梅林昆明縣翟詒曾均於途中遇賊被戕黃死於西院街中翟死於皇華值旁賊四散劫衙署徐之銘易和尙服逃匿

續雲南備徵志

卷十八

滇亂紀畧

十七

民間楊某家臬司花詠春糧道宋延春均丐服逃入藩署鹽道夏家疇踰城遁申刻賊攻藩署鏖英率勇五百名與賊戰於轅門內賊敗藩署獨存次日徐之銘亦逃匿於藩署賊搶劫居民民多舉火自焚
濤家於十五日夜間被劫母曹太夫人與姑母均逃匿於窮鄰楊木匠家父未回祖母與濤聽賊搜搶不敢出聲一夜而罄所餘僅柴米也十六日父亦未回不知所往祖母目中流血濤急欲尋父祖母弗許十七日黎明祖母坐而臥濤私出尋父至城隍廟街賊殺數人懸首於柵門不客人過轉而由僻徑至海子一路行走人踪

全無胸中亦無怕懼由洪化橋轉西門走西院街至西箭道遇父執張五叔曰歷亂如此汝何膽大意欲何往濤對曰尋吾父也張曰往何處尋濤曰不知所往張手白旗遂與濤偕行至督轅因親見馬復初紅示至轅門口適遇吾父遂同歸是時年十五歲
護布政使司岑毓英隻身詣賊營與賊首馬榮等會餌以和計權止搶劫

正月十七日賊首馬榮等齊集南門內之昭靈觀脅毓英往欲除之毓英告其家屬曰我勇無多賊十倍於我彼若以全力來攻亦必死曷往彼見機而行我若死勇

續雲南備徵志

卷十八

滇亂紀畧

十八

可護太夫人斫城出否則尙可圖帶人反示怯弱不如獨往遂單騎袖洋槍詣昭靈觀賊見皆驚毓英急挽馬榮手慷慨而言曰汝等已得省城必給我來是欲迫我死也我豈甘獨死乎但我已籠中鳥尙何能爲倘需我辦事我尙能助一臂力馬榮曰汝意如何毓英曰得城以安民爲主茲城內多舉火自焚民胥亡空城安用賊以爲將城已也遂釋殺害之念復問曰安民奈何毓英曰若稱王稱帝且俟大元帥歸再爲定議我意先請老爸爸護總督禁止兵勇入民房馬榮等曰老爸爸不從奈何毓英曰我令百姓親往叩求諒無不允議遂決毓

英仍挽馬榮之手不釋曰尙有事爾君可與我同歸馬榮不得已遂偕行徒步至藩署門口毓英急回速下令諭民間男婦年過六十者手執香花赴老爸爸公館叩求安民并請署總督民從之老爸爸亦允所請所謂大元帥者馬如龍之偽稱也所謂老爸爸者同掌教馬復初也毓英此舉智勇均出人意表總督者朝廷之官也馬復初自護總督非叛逆而何毓英雖與同處己仍是朝廷命官名正言順權而不失於正蓋人傑矣哉

賊馬復初自署雲貴總督移踞督署復初陳執事乘八人輿首挽白布帕入督署紅示曰欽

續雲南備徵志

卷十八

滇亂紀畧

十九

賜二品伯克滇南總掌教護理雲貴總督馬爲上任事茲本護督部堂擇於癸亥年正月十八日到任視事示末亦只書癸亥年不用朝廷年號此目觀者真叛逆也毓英短衣戰靴戴紅頂花翎往謁復初復初喜毓英密馳蠟丸書責如龍以大義趣令同援如龍得書痛哭誓師必欲除賊如龍之忠毓英有以激勵之也

二月署提督馬如龍回省會同護布政使司岑毓英剿賊生擒偽將軍李俊馬榮宵遁省城克復

如龍接毓英書痛哭誓師曰我前聚眾復仇未敢叛逆今馬榮戕官踞省朝廷震怒同教無遺類矣即日拔寨

行與梁士美書曰我兩人私忿也我今援省討賊汝無躡我後士美復書曰如係誘敵計吾早防之矣如確我助汝兵三千如龍得書即退士美偵之實遂派兵相助如龍還謝之如龍於二月初一日到省如龍勇敢萬夫待會目厚最得同心馬榮等預謀曰如龍之心如何未可知派軍十之三守城以十之七迎如龍倘如龍辭氣間不合遂與之戰如龍之兵勇入南城如龍獨入西門賊無從窺察如龍至督署署馬復初曰總督可自爲乎何不欲保首領也未歸私第遂會同毓英分隊攻五華書院城隍廟翊靈寺蓋忠寺等處賊營火光冲天殺聲

續雲南備徵志

卷十八

滇亂紀畧

二十

震地初二日黎明賊驅逐盡馬榮宵遁擒獲偽後將軍李俊凌遲處死如龍下令毀大元帥印去偽銜禁止人呼爲元帥反邪歸正自此始徐之銘出暫兼攝總督住督署如龍住撫署之銘捏詞奏其事奉旨革職擊問簡勞崇光督滇命林鴻年爲巡撫鴻年逗遛敘府不進革職另簡賈洪詔亦逗遛成都都不進革職之銘久無人代遂病故亦倖逃法網矣之銘之死在後此三年

同治三年甲子秋九月護布政使司岑毓英會同提督馬如龍生擒賊會馬榮馬興才解送省城囚禁省亂甫定毓英統師西征克復富民安寧羅次嵩明祿豐武定祿